

## AD TERTIAM.

Capit. Fratres, Hoc enim. ut supra in Laud. [330]

℞. br. Oblátus est,\* Quia ipse voluit. Oblátus est. ℞. Et livóre ejus sanáti sumus. Quia. Glória Patri. Oblátus.

℞. Próprio Fílio suo non pepéruit Deus. ℞. Sed pro nobis ómnibus trádidit illum.

## AD SEXTAM.

Capitulum. Zach. xiiij.

Quid sunt plagæ istæ in médio mánuum tuárum? Et dicit: His plagátus sum in domo eórum qui diligébant me.

℞. br. Próprio Fílio suo,\* Non pepéruit Deus. Próprio. ℞. Sed pro nobis ómnibus trádidit illum. Non. Glória Patri. Próprio.

℞. Factus est obédiens usque ad mortem. ℞. Mortem autem crucis.

## AD NONAM.

Capitulum. Is. liij.

Generatióem ejus quis Genarrábit? Quia abscíssus est de terra víventium: propter scelus pópuli mei percússi eum.

℞. br. Factus est obédiens,\* Usque ad mortem. Factus. ℞. Mortem autem crucis. Usque. Glória Patri. Factus.

℞. Ipse vulnerátus est propter iniquitátes nostras. ℞. Et attrítus est propter scélera nostra.

## IN II. VESPERIS.

Omnia ut in primis Vesperis, [315] præter sequentia.

℞. Ipse vulnerátus est propter iniquitátes nostras. ℞. Et attrítus est propter scélera nostra.

Ad Magnif. Aña. Depónens Joseph \* corpus Jesu invólvit sindone, et pósuit eum in monumento exciso. Fuit planctus magnus in illa die: mulieres autem sedéntes contra sepúlcrum dolébant, sicut doléri solet in morte primogéniti.

## PRO SABBATO.

De Immaculata Conceptione B. M. V.

Semiduplex.

## IN I. VESPERIS.

Aña ut in Laud. [339] Psalmi ut in Festis B. M. V. per Annum. [191]

Capitulum. Prov. viij. c

**D**ominus possédit me in initio viárum suárum, ántequam quidquam fáceret a princípío. Ab ætér-

no ordináta sum, et ex antiquis ántequam terra fieret. Nondum erant abyssi, et ego jam concépta eram.

## Hymnus.

**A**VE maris stella, Dei Mater alma, Atque semper Virgo, Felix cæli porta.

Sumens illud Ave Gabriélis ore, Funda nos in pace, Mutans Hevæ nomen. Solve vincla reis, Profer lumen cæcis, Mala nostra pelle, Bona cuncta posce.

Monstra te esse matrem, Sumat per te preces, Qui pro nobis natus, Tulit esse tuus.

Virgo singuláris, Inter omnes mítis, Nos culpis solútos, Mites fac et castos.

Vitam præsta puram, Iter para tutum, Ut vidéntes Jesum, Semper collætémur.

Sit laus Deo Patri, Summo Christo decus, Spiritúi sancto, Tribus honor unus.

Amen.

℞. Immaculáta Concéptio tua Dei Génitrix Virgo. ℞. Gáudium annuntiávit univérso mundo.

Ad Magnif. Aña. Beátam me dicent \* omnes generatiónes, quia fecit mihi magna qui potens est, alleluia.

## Oratio.

**D**Eus, qui per Immaculátam Vírginis Conceptionem dignum Fílio tuo habitáculum præparásti: quæsumus, ut qui ex morte ejúsdem Fílii tui prævísa, eam ab omni labe præservásti, nos quoque mundos ejus intercessiône ad te pervenire concédas. Per eúmdem Dóminum.

Ad Completorium et alias Horas, in fine omnium Hymnorum dicitur.

Jesu, tibi sit glória, Qui natus es de Vírgine.

## AD MATUTINUM.

Invitator. Immaculátam Conceptionem Vírginis Mariæ celebrémus: \* Christum ejus Fílium adorémus Dóminum.

Ps. Veníte, exsultémus. 2.

## Hymnus.

**P**Ræclára custos Vírginum, Intácta mater Núminis, Cœléstis aulae jánuæ, Spes nostra, cœli gáudium.

Inter rubéta lílium, Colúmba formosíssima,



Virga e radice gérminans  
Nostro medélam vúlneri.  
**T**urris draconí impérvia,  
Amíca stella náufragis,  
Tuére nos a fráudibus,  
Tuáque luce dírige.  
**E**rróris umbras díscute,  
Syrtes dolósas ámove,  
Fluctam tot inter, déviis  
Tutam reclúde sémitam.  
**J**esu, tibi sit glória,  
Qui natus es de Vírgine,  
Cum Patre, et almo Spirítu,  
In sempitérna sæcula.  
Amen.

## In I. Nocturno.

**Añá.** Admirábile est no-  
men tuum, \* Dómine, in  
univérsa terra, quia in  
Vírgine María dignum tibi  
habitáculum præparásti.

**Psalmi trium Nocturno-  
rum ut in Festis B. M. V.  
per Annum. [194]**

**Añá.** In sole \* pósuit  
Deus tabernáculum suum.

**Añá.** In Conceptióne  
sua \* accépit María bene-  
dictiónem a Dómino, et  
misericórdiam a Deo salu-  
tári suo.

**V.** Deus omnípotens præ-  
cínxit me virtúte. **R.** Et  
pósuit immaculátam viam  
meam.

**Lectiones de Scriptura  
occurr. cum **RR.** sequent.**

**R.** j. Per unum hóminem  
peccátum in hunc mun-

dum intrávit, in quo om-  
nes peccavérunt. \* Ne tí-  
meas María, invenísti grá-  
tiam apud Deum. **V.** Eri-  
puit Dóminus ánimam  
tuam de morte, et contra  
inimicum factus est proté-  
ctor tuus. — Ne tímeas.

**R.** ij. Transite ad me  
omnes qui concupísctis  
me : \* Et narrábo vobis  
quanta fecit Deus ánimæ  
meæ. **V.** Vivit Dóminus,  
quóniam adimplévit in me  
misericórdiam suam. —  
Et narrábo.

**R.** iij. Elécta mea cán-  
dida sicut nix in Líbano ;  
sicut favus distíllans lábia  
ejus : \* Mel et lac sub lin-  
gua illius. **V.** Veni de Lí-  
bano sponsa mea, veni co-  
ronáberis coróna gratiá-  
rum. — Mel. Glória. Mel.

## In II. Nocturno.

**Añá.** Diffúsa est grátia \*  
in Conceptióne ejus, et  
speciósá appáruit inter fí-  
lias hóminum.

**Añá.** Adjúvit eam \* Deus  
mane dilúculo ; sanctificá-  
vit tabernáculum suum  
Altíssimus.

**Añá.** Gloriósa \* dicta sunt  
de te, Cívitas Dei ; fundá-  
vit te Dóminus in mónti-  
bus sanctis.

**V.** In hoc cognóvi quó-  
niam voluísti me. **R.** Quó-

niam non gaudébit inimi-  
cus meus super me.

Ex Bulla dogmática Pii  
Papæ noni.

**LECTIO I<sup>a</sup>.**

**G**Mnes norunt quan-  
to stúdio hæc de  
Immaculátæ Dei-  
paræ Vírginis Conceptióne  
doctrína a spectatíssimis  
religiósis famíliis et cele-  
brióribus theológicis Aca-  
demíis, ac præstantíssimis  
divinárum rerum sciéntia  
doctóribus fúerit trádi-  
ta, assérta ac propugnáta.  
Omnes páriter norunt  
quantópere solliciti fúe-  
rint sacrórum Antístites  
vel in ipsis ecclesiásticis  
convéntibus palam publi-  
cèque profitéri, sanctíssimam  
Dei Genitricem Vír-  
ginem Mariám ob prævisa  
Christi Dómini Redem-  
ptóris mérita nunquam  
origináli subjacuisse pec-  
cáto, sed præservátam  
omnino fuisse ab originis  
labe, et idcirco sublímiori  
modo redemptam. Quibus  
illud profecto gravíssimam  
et omnínó máximum  
accédit, ipsam quoque Tri-  
dentinam synodum, cum  
dogmáticum de peccáto  
origináli éderet decretum,  
quo juxta sacrárum Scri-

pturárum sanctorúmque  
Patrum ac probatíssimó-  
rum conciliórum testimó-  
nia, státuit ac definívit :  
Omnes hómines nasci ori-  
gináli culpa inféctos ; ta-  
men solémniter declarás-  
se : Non esse suæ inten-  
tiónis, in decreto ipso tan-  
táque definitiónis ampli-  
túdine comprehénderé  
beátam et Immaculátam  
Virginem Dei Genitricem  
Mariám. Hac enim decla-  
ratióne Tridentíni Patres,  
ipsam beatíssimam Vírgi-  
nem ab origináli labe so-  
lútam, pro rerum tempo-  
rúmque adjúctis, satis  
innuérunt, atque ádeo  
perspícue significáverunt,  
nihil ex divínis Lítteris,  
nihil ex traditióne, Pa-  
trúmque auctoritáte rite  
afférrí posse, quod tantæ  
Virginis prærogatívæ  
quovis modo refragétur.

**R.** Ego ex ore Altíssimi  
prodívi, primogénita ante  
omnem creatúram : ego  
feci in cœlis ut orirétur  
lumen indeficiens. \* Non-  
dum erant abyssi, et  
ego jam concepta eram.  
**V.** Deus enim creávit me  
in justítia, et apprehéndit  
manum meam, et servá-  
vit me. — Nondum erant  
abyssi.



**Lectio v.**

**E**T re quidem vera hanc de Immaculata beatissimae Virginis Conceptione doctrinam quotidie magis gravissimo Ecclesiae sensu, magisterio, studio, scientia ac sapientia tam splendide explicatam, declaratam, confirmatam, et apud omnes catholici orbis populos ac nationes mirandum in modum propagatam, in ipsa Ecclesia semper exstitisse veluti a maioribus acceptam, ac revelatae doctrinae caractere insignitam, illustria venerandae antiquitatis Ecclesiae Orientalis et Occidentalis monumenta validissime testantur. Equidem Patres Ecclesiaeque scriptores, caelestibus edocti eloquiis, nihil antiquius habuere, quam in libris ad explicandas Scripturas, vindicanda dogmata, erudiendosque fideles elucubratis, summam Virginis sanctitatem, dignitatem, atque ab omni peccati labe integritatem, ejusque praeclearam de teterrimo humani generis hoste victoriam, multis mirisque modis certatim praedicare atque efferre.

**R.** Nihil inquinatum in eam incurrit: \* Candor est lucis aeternae et speculum sine macula. **R.** Est enim haec speciosior sole, et luci comparata invenitur purior. — Candor est.

**Lectio vij.**

**Q**UAPROPTER enarrantes verba, quibus Deus praeparata renovandis mortalibus suae pietatis remedia inter ipsa mundi primordia praenuntians; et deceptoris serpentis retudit audaciam et nostri generis spem mirifice erexit inquiens: Inimicitias ponam inter te et mulierem, et semen tuum et semen illius, docuere: divino hoc oraculo clare apertaque demonstratum fuisse misericordem humani generis Redemptorem, scilicet unigenitum Dei Filium Christum Jesum ac designatam beatissimam ejus Matrem Virginem Mariam, ac simul ipsissimas utriusque contra diabolum inimicitias insigniter expressas. Quocirca sicut Christus Dei hominumque mediator, humana assumpta natura, delens quod adversus nos erat chirographum decreti, illud cruci triumphator affixit, sic

sanctissima Virgo, arcissimo et indissolubili vinculo cum eo conjuncta, una cum illo et per illum, sempiternas contra venosum serpentem inimicitias exercens ac de ipso plenissime triumphans, illius caput immaculato pede contrivit.

**R.** Signum magnum apparuit in caelo: Mulier amicta sole, et luna sub pedibus ejus: \* Et in capite ejus corona stellarum duodecim. **R.** Induit eam Dominus vestimentis salutaris, indumento justitiae, et quasi sponsam ornavit eam monilibus suis. — Et Gloria Patri. Et.

**In III. Nocturno.**

**Añ.** Sanctimonia et magnificentia \* in Conceptione ejus; annuntiate in omnibus populis gloriam ejus.

**Añ.** Laetamini omnes \* in Domino: et confitemini memoriae sanctitatis ejus.

**Añ.** Notum fecit \* Dominus opus suum: in conspectu gentium revelavit gloriam Genitricis suae.

**R.** Exaltabo te Domine, quoniam suscepisti me.

**R.** Nec delectasti inimicos meos super me.

Lectio sancti Evangelii secundum Lucam.

**Lectio vij. Cap. j. c**

**I**N illo tempore: Missus est Angelus Gabriel a Deo in civitatem Galilaeae, cui nomen Nazareth, ad virginem desponsatam viro, cui nomen erat Joseph, de domo David, et nomen virginis Maria. Et reliqua.

Homilia sancti Sophronii Episcopi. **Homilia in Deiparae Annuntiatione.**

**E**re benedicta tu in mulieribus, quoniam Hevae maledictionem in benedictionem commutasti; quoniam Adam, qui prius jacebat execratione percussus, ut per te benediceretur effecisti. Vere benedicta tu in mulieribus, quoniam benedictio Patris per te affulsit hominibus, eosque a veteri maledicto liberavit. Vere benedicta tu in mulieribus, quia per te progeneres tui salutem inveniunt; tu siquidem genitura es Servatorem, qui divinam ipsis salutem comparabit. Vere benedicta tu in mulieribus, quoniam sine semine eum protulisti fructum, qui benedictionem terrarum or-



bi elargitur, ipsúmque a maledictióne spinas germinante rédimat. Vere benedicta tu in mulieribus, quia mulier naturali conditíone cum sis, Dei tamen Génitrix reípsa fies. Et enim si, qui ex te nasciturus est, secúndum veritatem Deus est incarnátus, ipsa jure meritóque diceris Deípara, quippe quæ Deum verissime paris.

℟. Hortus conclusus soror mea sponsa, hortus conclusus, fons signatus : \* Emissiões tuæ paradísus, o María. ℣. Aperi mihi soror mea, amica mea, columba mea, immaculáta mea. — Emissiões.

*Lectio viij.*

**N**E timeas María, invenisti enim apud Deum grátiam perire nesciam; invenisti apud Deum grátiam præ quolibet eximiam; invenisti apud Deum grátiam omnibus votis expetendam; invenisti apud Deum grátiam omnium gratiarum splendidissimam; invenisti apud Deum grátiam nunquam elanguentem; invenisti apud Deum grátiam quæ te salvam præstet; invenisti apud Deum grátiam, quæ nullo impe-

tu quatiatur; invenisti apud Deum grátiam plane invictam; invenisti apud Deum grátiam perenniter duraturam. Et alii quidem, iique plures ante te eximia sanctitate florerunt. Sed némini, quem admodum tibi, plena grátia impertita est; nemo, sicut tu, ad tantum magnificentiæ est evectus; nemo, sicut tu, purificante grátia præoccupatus est: nemo, sicut tu, cœlesti lumine refulsit; nemo, sicut tu, præ omni celsitudine exaltatus est.

℟. Magnificat ánima mea Dóminum : \* Quia fecit mihi magna qui potens est, et sanctum nomen ejus. ℣. Ecce enim ex hoc beátam me dicent omnes generatiões. — Quia. Glória Patri. Quia.

*Lectio ix.*

**E**T mérito quidem; nemo enim sicut tu, ad Deum tam prope accessit; nemo, sicut tu, Dei donis ditatus est; nemo, sicut tu, Dei grátiae particeps fuit. Omnia vincis, quæcumque inter homines emineant; omnia superas múnera, quæ effusa a Dei largitate in quoslibet dimanaverint. Plus enim omnibus inha-

bitantis Dei possessióne ditescis. Nemo sic in se Deum complécti potuit; nemo potuit sic frui Dei præsentia; nemo dignus est hábitus, qui sic per Deum illuminaretur; ac propterea non modo Deum omnium Conditorem ac Dóminum in te excepisti, sed eum habes ex te ineffabiliter incarnatum, atque in útero tuo gestatum, et post hæc genitum, et universos homines a paterna condemnatióne redimétem, ac salutem, quæ nullum finem habitura sit, ipsis elargientem. Et propterea tibi clamavi, atque iterum vehementer clamabo: Ave grátia plena, Dóminus tecum; benedicta tu in mulieribus.

Te Deum laudamus. 19.

**AD LAUDES,  
et per Horas, Añæ.**

1. Tota pulchra es \* María, et mácula originális non est in te.

*Psalmi de Dominica. 20.*

2. Vestiméntum tuum \* candidum quasi nix, et faciès tua sicut sol.

3. Tu glória Jerúsalem, \* tu lætítia Israel, tu honorificentiá pópuli nostri.

4. Benedicta es tu, \* Virgo María, a Dómino Deo

excélso præ omnibus mulieribus super terram.

5. Trahe nos\* Virgo immaculáta, post te currémus in odórem unguentórum tuórum.

*Capitulum. Prov. viij. c*

**D**ominus possédit me in initio viarum suarum, antequam quidquam faceret a principio. Ab ætérno ordináta sum, et ex antiquis antequam terra fieret. Nondum erant abyssi, et ego jam concepta eram.

*Hymnus.*

**O** Gloriósa Virginum, Sublímis inter sídera, Qui te creávit, párvulum Lactente nutris úbere.

Quod Heva tristis abstulit,

Tu reddis almo gérmine :

Intrent ut astra flébiles, Cœli reclúdis cárdines.

Tu Regis alti jánuæ, Et aula lucis fúlgida :

Vitam datam per Virginem

Gentes redemptæ pláudite.

Jesu, tibi sit glória,

Qui natus es de Virgine, Cum Patre, et almo Spíritu,

In sempiterna sæcula.

Amen.



℣. Immaculata Conceptionis tuae Dei Genitrix Virgo. ℞. Gaudium annuntiavit universo mundo.

Ad Bened. Añā. Ait Dominus Deus \* ad serpētem : Inimicitias ponam inter te et mulierem, et semen tuum et semen illius : ipsa conteret caput tuum.

## Oratio.

Deus, qui per Immaculatam Virginis Conceptionem dignum Filio tuo habitaculum praeparasti : quaesumus, ut qui ex morte ejusdem Filii tui praevisa, eam ab omni labe praeservasti, nos quoque mundos ejus intercessione ad te pervenire concedas. Per eundem Dominum.

Ad Primam, in ℞. br. ℣. Qui natus es de Maria Virgine.

## AD TERTIAM.

Capit. ut in Laud. [339]

℞. br. Deus omnipotens, \* Praecinxit me virtute. Deus. ℣. Et posuit immaculatam viam meam. Praecinxit. Gloria Patri. Deus omnipotens.

℣. In hoc cognovi, quoniam voluisti me. ℞. Quoniam non gauderet inimicus meus super me.

## AD SEXTAM.

Capitulum. Ezech. xlv.

Porta haec clausa erit, non aperiatur, et vir non intrabit per eam, quoniam Dominus Deus Israel ingressus est per eam : eritque clausa Principi. Princeps ipse sedebit in ea.

℞. br. In hoc cognovi, \* Quoniam voluisti me. In hoc. ℣. Quoniam non gaudebit inimicus meus super me. Quoniam. Gloria Patri. In hoc.

℣. Exaltabo te Domine, quoniam suscepisti me. ℞. Nec delectasti inimicos meos super me.

## AD NONAM.

Capitulum. Apoc. xij.

Signum magnum apparuit in caelo : mulier amicta sole, et luna sub pedibus ejus, et in capite ejus corona stellarum duodecim.

℞. br. Exaltabo te Domine, \* Quoniam suscepisti me. Exaltabo. ℣. Nec delectasti inimicos meos super me. Quoniam suscepisti. Gloria Patri. Exaltabo.

℣. Immaculata Conceptionis tuae Dei Genitrix Virgo. ℞. Gaudium annuntiavit universo mundo.

## IN II. VESPERIS.

Añae et Capitulum ut in Laudibus. [339]

Psalmi et Hymnus ut in Festis B. M. V. per Annum. [191]

℣. Immaculata Conceptionis tuae Dei Genitrix Virgo. ℞. Gaudium annuntiavit universo mundo.

Ad Magnificat, Añā. Sancta Maria \* succurre miseris, juva pusillanimes, refrove flebiles, ora pro populo, interveni pro clero, intercede pro devoto femineo sexu : sentiant omnes tuum juvamen, quicumque celebrant tuam sanctam Immaculatam Conceptionem.

